

集部詞曲類

十萬琳琅閣珍藏

光緒己酉年孟夏得于維揚文運堂書坊

仿宋刻金冬心先生自度曲 一冊一卷



昔賢填詞倚聲按譜謂之長短句卽唐宋以來  
樂章也予之所作自爲己律家有明童數輩宛  
轉皆擅歌喉能彈三弦四弦又解吹中管每一  
曲成遂付之宮商哀絃脆竹未嘗乖于五音而  
不合度也鄱陽姜白石西秦張玉田亦工斯製  
恨不令異代人見之若目前一少年攜縛舊  
調者酒天花地閒何可與之迭昨真罵老奴  
不曉事也歲月旣久頗爲一卷廣陵詩弟子五

均羅聘楊爵各出橐金請予開雕因漫述之  
此

乾隆二十五年二月朔日七十翁金農在龍  
梭仙館書

冬心先生自度曲



積學齋徐乃昌感書

金農壽門

昨日

十句四  
十八字

二月尾三月初不風不雨春晴送別唱渭城曲  
子尚有餘聲 離愁無據落花如夢人何處酒  
旗山店知昨日青驄一鞭從此去

乞橙里主人新茶

九句四  
十三字

竹粉沾衣松花滿地如此時光須記今春酒

想著去年茶味 泉汲中泠疑帶半江雲氣  
甌綠雪知有故人寄

黃葵花

七句三十三字

秋在花枝上花枝隨轉偏向著朝陽夕陽 玉  
人最愛新涼靨微黃風前小病病也何妨

題天游生溪上草堂畫卷

七句三十四字

不巾不櫛終年不出六月溪堂常衣褐 茶磨  
綠塵飛藥囊仙草肥松風聒聒肯教人攘奪

憶西湖南屏山行寄昔日同游龍泓居士

萬峰僧

九句四十七字

獨坐冷清清常想南屏背手行勾留處湖中斷  
塢影門外敗荷聲 年年白髮生每到秋來添  
幾莖有負潛夫吟社淨侶山盟

題自畫江梅小立軸

十二句四十九字

恥春翁畫野梅無數花枝顛倒開舍南舍北處  
處石黏苔 最難寫天寒欲雪水際小樓臺但

見凍禽上下啼香弄影不見有人來

蕉林聽雨十三句六十四字

翠幄遮陰碧帷搖影清夏風光暝窠石連絲高  
梧相掩映轉眼秋來憔悴恰如酒病 雨聲偏  
在芭蕉上僧廊下白頭人聽聽了還聽夜長數  
不盡覺空階點滴無些兒分

記魯中舊遊十六句四十六字

南池側絕少人間煩熱太白酒樓我曾三到手

弄月光如潑雪 又上東封山頂看漢時柏秋  
風刺刺青衫破帽騎驢狂客

題庭前草本小花為板橋居士作十八句四十八字

鄭家小婢草叢一半新栽紅紫老却關情愛他  
容易開花結子 來春分種看籬落墻根蔓延  
不已野香無比風味是澧蘭湘茝

題朱君二亭桃花扇面八句四十五字

野外桃花窺人好似墻東女亂紅無主難得春

風擡舉 二八華年憐他笑靨看能語今日煖  
雲如許恐變明朝連夜雨

記昔年為亡室寫折枝枇杷五句二  
十七字

櫂頭船昨日到洞庭枇杷天下少額黃顏色真  
箇好我與山妻同一飽

吾家棕亭詩老以其吳趨小友徐郎定定

寫真乞題十句四  
十七字

徐郎笑面試秋衫新練別有風情肯輕教人見

酒邊花底不特歌喉明珠一串妬他才子詩  
成細界烏絲大半為阿儂寫遍

初夏十一句四  
十九字

今年初夏小小晴光且看池陰苔管石罅萱房  
新竹嘲風纔過墻 漁兄漁弟消息如何江湖  
涼夢多再遲一月浮艇去笑著青蓑

送遠曲八句四  
十字

津頭車馬柳邊花下鞭絲帽影太匆匆他日再

相逢 人折柳花勸酒柳生離別酒生愁不如  
不去覓封侯

昔日山遊九句四十五字

青山繚繞數之不了步步靈花忍草風林如掃  
又聽一雙擣藥鳥 四明狂客剡中僧笑口共  
相迎何處去十二樓五城

池上八句三十七字

荷花開了銀塘悄悄新涼早碧翅蜻蜓多少

六六水窗通扇底微風記得那人同坐纖手剝  
蓮蓬

憶樅陽道中看月十句三十九字

前年獨泛九江船二更後一聲涼笛把月吹圓  
團團爛銀盤中央田地寬阿誰偷種婆婆樹  
散麝塵無數

竹枝曲八句四十八字

山中籀龍三日眠龍子龍孫飛上天秋來弄雲

掃紫烟一唱竹枝人可憐 人不見愁千萬餘  
音在水湘江遠蕭蕭暮雨增幽怨

題僧壁

八句四十五字

谿禽格格山花索索莫把酒杯空却須滿滿斟  
著 三百六十少年場紫毫一管顛狂醉來題  
字不成行亂寫僧家粉墻

爲沈君學子畫梅花帳額

十七句八十六字

洗盡鉛華疎影橫枝偷寫繁花照眼却不怕東

風吹謝玉女窗中有人同夢夢在水邊林下空  
香如灑真个瘦來無一把 吳綾光研問沈郎  
吟管可許今朝分借小字填詞金荃增價知絕  
代蛾眉昨宵新嫁柔情縷縷欲罷難罷

題粉團花便面

十六句三十四字

花攢一朵數了又數數不盡花房幾箇 風枝  
輕顫粉初勻紅漾酒鱗鱗看花難得去年人  
獨莖草花約一尺許開時如雪園中花匠

云是夜合漫題小詞十四句二

雲希希烟微微仙人新著五銖衣侵曉嫣然啓  
玉屏

題女史徐南樓吟橐九句四

一卷新詩大珠小珠錯落想見南樓月好吟毫  
坐深魚鑰 閨中才子勝人百倍洗盡香奩脂  
粉謝家道韞女師却是東陽沈謂沃田先生

憶昔五十字

趙倡錦瑟秦女鈿箏昨夜瑣窓聲今朝春夢有  
夢不分明 花間游騎空見酒痕滿地立多時  
也非容易雙魚難寄一顆顆鮫宮淚

題山僧叩門圖八句三

光圓頭腦定是前山跛長老叩門何事口念新  
詩笑倒 草堂塵掃樹團團圍抱蔬飯好此間  
無熱惱

自題梅花矮卷三句十

雪一株玉不如風亭小立數花鬚

前溪女兒乞題畫筵十四句二

兩頭纖纖出水新無浪無風少婦津斜陽依舊  
偏不見采菱人

楚澤吟九句四

修琴客去賣藥人無近結谿翁一二共泛菰蒲  
與鷗爭席年年清夢落江湖雲荒七澤亭圯  
三吾主領秋光有老夫

故人劉顛漢酒徒也有厥祖之風今自瀋

陽來作此贈之八句三

襪被叩門舊時鄉里笑說遼東白豕頭沒酒杯  
裏 荷鋪而遊死葬糟工此願能償客姓劉不  
問五諸侯

湖中曲十六句三

西也菰蒲東也菰蒲湖尾儻儻有若無 雨也  
模糊雲也模糊疑是彭郎娶小姑

題草花畫册十六句二  
十三字

月頭月尾一串花無比  
頰有紅潮十三年紀好  
東風扶不起

薔薇五句十  
九字

莫輕折上有刺傷人手  
莫可治從來花面毒如  
此

春閨十句五  
十三字

風簾不捲久閉簫樓  
昨夜剪殘紅燭拋撒香毬

春病似花間孔雀  
嬾擡頭料得遠山一簇學

我睂愁且待清明節  
近綠堤翠陌鬪草竝車遊

梧桐引七句三  
十三字

金井轆轤空苔階  
澀露濕梧桐弱枝先墮不

秋風吳宮夜漏又添  
新恨二十五聲中

不見九句四  
十七字

忽有衣香吹來笑語  
却隔著重重朱戶朱戶重  
重那得人間別離苦  
月竟長圓花全不落便

日日醉倒月窟花叢也無些趣

與詩弟子羅聘偶談南宋武林舊事句十五

十六字

吾家古杭熟食店珠子茶坊當年畫壁大好是  
劉郎李郎今已荒涼剩水殘山看夕陽 湖魚  
兒辣羹不復問織手厨娘何況金籠蟋蟀秋草  
半閒堂

題夢綠居士丁辛老屋圖十一句五  
十二字

追署無方長林之下僦屋有如結宅愛帝城城  
外西山不比他山顏色 想見王郎熏香朝罷  
換生衣蕭然吟客涼風滿席定甲乙丙丁編集

憶湖上十九句四  
十五字

定香橋下白泱泱湖雲透袖涼最好一方鷗席  
八尺萍牀 何不歸故鄉仍作垂釣漁郎爲春  
忙蓴羹薺菜向僧饌分嘗

萱草十六句二  
十八字

花開笑口北堂之上百歲春秋一生歡喜從不  
向人愁果然萱草可忘憂

題秋江汎月圖

八句三十五字

小艇空江一人清徹骨恍游冰闕弄此古時月  
管領秋光平分秋色便坐到天明不歸也得

題團扇桃花楊柳

八句三十七字

二三月柳枝柔花枝濕風風雨雨春愁絕  
紅綬廳前金明池上可有者般顏色只少那人翠

袖立

題小山開士小影

十句五十字

不坐蒲團不扶藤杖尋覓本來面目峭緊草鞋  
何處去非人世東西南北山中泉石林間猿  
鶴都是老僧眷屬天一握與野雲同宿

題石田先生遺事

九句五十字

相城沈叟部民應命小人有母公堂粉壁畫代  
帶亦何損于某回家拂衣卧林藪笑謝出諸

口去而再往賤如狗世上豈少曹太守

題自寫曲江外史小像

九句五十一字

對鏡濡毫自寫側身小像掉頭獨往免得折腰  
向人俯仰 天留老眼看煞隔江山漫拖著一  
條藤杖若問當年無邊風月曾為五湖長

為沈君沃田題桐陰結夏圖即送還華

十六句七十九字

三處鄉音

謂京江蔣春農全椒吾宗棕亭

連朝閑話都是天涯

詩客坐此梧陰碧羅張繖下有玲瓏小玲瓏

石散巾舄暑銷無迹

人間六月真同火宅

不羨涼生兩腋沈郎善病鬢絲幾點吳鹽白

買輕航便歸去飽看門外九峰婉孌

枇杷歌

九句五十一字

野枇杷雪中開花老僧家天生蠶葉聳且奢常  
把山樓一半遮 飲澗猿白毫長好似團團明  
月光隔林遊戲偷先嘗不待洞庭滿樹黃

憶吳興道場山中

七句三  
十六字

松陰路轉便有好山滿眼日千變青青難辨  
僧扉午後開池荒水浸苔梅花下只我一箇人  
來

戲述示學侶項均楊爵二生

八句三  
十八字

前世爲僧石頭路滑曾記秋林風吹山青白  
膩 置身天際目不識三皇五帝那有工夫  
人拭涕

題曹君荔帷秋湖采蓴圖

十二句五  
字

生長綠波中嫋嫋蓴絲帶葉連叢想趁晚涼  
潭月下采采載低篷 五載未嘗鄉味今作  
頭翁便歸去已過秋風輸君不但口腹無窮

秋蘭詞

九句四  
十四字

楚山疊翠楚水爭流有幽蘭生長芳洲纖枝駢  
穗占住十分秋 無人問國香零落抱香愁豈  
肯同葱同蒜去賣街頭

徑山林道人乞予畫梅題以寄之八句四十四字

山僧送米乞我墨池遊戲極瘦梅花畫裏酸香  
香撲鼻 松下寄寄到冷清清地定笑約溪翁  
三五看罷汲泉鬪茶器

題江君雲溪杏花影裏填詞圖十五句十二字

百尺銀墻一枝蓓蕾杏花紅得太無情便朝  
仙露洗他不退除非夢筆橋頭客含毫共相學  
梢上濃春莫被青禽偷嘴吟成好句玉響珠

零勝人十倍聽笛裏新聲只有七郎殘月可作  
配

題贈雪舫先生十五句六十八字

割龍耳捋虎鬚知先生何所不為當年舊事

浮雲驚倒霍家兒無端春夢夢醒多時 近客


蕪城哀絃激管一棹觥船笑賦詩楚樹遠楚天

垂湘草湘烟夢九疑真个狂顛真个癡

為荔帷居士畫梅邊覓句圖十句四十六字

呵凍僧窗爲寫寒梅兩樹冰姿霜萼此心如在  
山塢君歸去燕酸香閑把花鬚細數想明月  
窺林清光一斛照冷吟人苦

金陵湯鳴岐仿古本字畫錄寫并刻



徐乃昌  
馬韻芬  
夫婦印

程